

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Commentarius in VIII libr. philosophicorum Arist.
exceptus a Michael Schweizer, mon. Salemitani professo -
Cod. Ettenheim-Münster 359**

Specius, Johannes

[S.I.], 1596

Nobili, strenvoqve viro ac domino ioanni achilli ilsvngo [...]

[urn:nbn:de:bsz:31-132384](#)

296

NOBILI, STRE-
NVOQVE VIRO AC DO-
MINO IOANNI ACHILLI ILSVNGO,
D. IN KHVENENBERG ET LYNDA, SACRAE
CÆSAREÆ MAIESTATI A CONSILIIS, &c. D o-
mino ac Patrono suo plurimum ob-
seruando. S.



SI EA EST OMNIVM PAR-
tium totius Philosophiae præstantia;
vt neminem scientiæ ardore æstuantem in maximum sui amore non
rapiant, in demirationem non inducant, in defixam ac intentam co-
templationem non impellat, rerum tamen naturalium motus (cuius vel
ipsæ species oculorum aspectui ob-
iectæ, splendore suo summopere ho-
minum mentes oblectant) id singulare præ reliquo modo fa-
cere consuevit. Nam si utilia amamus, nobilia admiramur,
subtilia contemplamur, an non summo nos Motus amore,
summa admiratione, summoque contemplationis studio capi
necessæ erit? enim verò si motus utilitatem consideres, ea tibi
vel mediocrem mentis aciem intendentí perquā varia occur-
ret; si eiusdem materiam, reperies profectò nobilissimam; si
etiam subtilitatem, infinitis propemodum tricis intricatam:
quæ enim cognitio humanis visibus magis inservire potest, quæ
illa, quæ ad latentes abditasque naturalium effectorum causas
& ipsarum causarum vim, & perfectionem videndam magna
ex parte commonstrat viam? aut quæ nobilior hac potest esse
doctrina, ex qua progressa est Philosophia ad investigationem
tum eatum mentium, quæ coelestes spheras circumoluunt,

A 2

tum

tum etiam supremæ caussæ; id est, Dei, in quem ut in omnium rerum fontem & originem motum omnem desinere necesse est? aut quæ demum subtilitate implicatio potest esse difficultas philosophica, in qua enodanda tot prestantissimorum acutissimorumque ingeniorum libri sunt toti? Hac igitur de re positiones quædam discutiendas positurus, apud animum meum proposui, cum huic negotio praeficere, cuius magnis in rebus fatis spectata esset prudentia atque nobilitata virtus: talem autem defensorem, quem quisq; sibi depositit, cùm pararem, tua protinus non inuocata oculos meos perstrinxit imago. Quod si ergo cum quem imago hæc mihi retulit, in patronum adoptavi, id factum ignoscet, hortabatur enim me ad hoc tua singularis in litteratos omnes facilitas ac benevolentia; hortabatur me grauissima nominis tui authoritas, quæ ut multa variaque terræ clymata, partim studiorum, partim aliatū præclarissimorum rerum gratiæ peragrauit, ita multum cam ponderis huic meæ disputationi allaturam esse autumaui; hortabantur denique me maxima tua, quæ in me extant beneficia, nam ut cetera, quæ recensere nimis longum foret, tacitus præteream, hoc certè, quod caput esse videtur, leui saltē transenna non possum non inspicere. Ecquid illud? quem viuus pater incultam tolerare vitam voluerat, cum tu patre defuncto, iis primis literis, quæ ab ipsa humanitate nomen sortitæ sunt, excolendū, dein verò mysteriorum philosophicorum notitia in hac Nobi- li Dilingana Academia initiandum tradidisti. Quare hæc supera repetens, vi quasi adducor, ut nisi ore sim durissimo animoque ingratissimo, ad alium præter te, hanc disputationem deferre neutiquam possim. Quod si ergo hunc meum conatum qualem qualem grata ad te cymba properasse cognouero, faxo profecto, ut olim vltro currenti te calcar addidisse experiar. Vale. Dilingæ, postridie Epiphaniae Domini. M. D. xcvi.

Strenue D. T.

Observantissimus.

Magnus Löcherer.